

Inombolo yefayili: 23/3/4/3
Isalathiso: 20241003-7149

INGcaciso eMfutshane yeCandelo i-Cape Teaching and Leadership Institute: 0005/2024

Iya: KumaSekela Balawuli, kuBalawuli (kwaNdlunkulu nakwii-ofisi zezithili), kuBaphathi beeSekethe, kwiiNtloko zoKunika iNkxaso kwiKharithulam, kuBacebisi ngeZifundo, kwiiNtloko zoQuquzelelo neNgcabiso ngeze- ISLES, kwiNqununu nakooSihlalo bamabhunga olawulo kwizikolo zikarhulumente

Isihloko: Ukubhiyozela iNyanga yeLayibrari yeSikolo kuMazwe ngaMazwe (International School Library Month (ISLM))

1. Ngo-Oktobha 2024 iLayibrari zezikolo zaseMzantsi Afrika nakwilizwe jikelele, ziya kubhiyozela zize zikhuthaze iinkonzo zelayibrari nezengcaciso ezikolweni njengenxalenye ye-ISLM.
2. Ukulungiselela ukubhiyozela i-ISLM ngo-2024, uMphathiswa weSebe leMfundo leNtshona Koloni uthathe isigqibo sokubandakanya zonke izikolo, ootitshala nabafundi beSebe leMfundo leNtshona Koloni (iSebe iWCED). Abafundi baya kuba nethuba lokubonisa iimvakalelo zabo malunga neLayibrari yaye kwangaxeshanye, babe nethuba lokuphumelela izibonelelo zelayibrari yezikolo zabo.
3. IiNkonzo zeLayibrari yezeMfundo nezeNgcaciso, ngentsebenziswano ne-Ofisi yoMphathiswa, ziya kubanako ukunika izikolo ezili-10 zeSebe iWCED, ithuba lokuphumelela izibonelelo zelayibrari yesikolo ezixabisa ama-R30 000 ngesikolo ngasinye, ngomxholo othi "**lincwadi ezimangalisayo ezikwilayibrari yam!**" ("**Adventures live in my library!**")
4. **Kulo nyaka kukho iindidi ezimbini ezinako ukungenela kuzo izikolo/abafundi:**
 - **Udidi lwamabali amafutshane (amaBakala 4-12, kuqukwa nezikolo zemfundo eneemfuno ezizodwa);** apho abafundi baya kusixelela:
 - Ngencwadi emangalisayo abanokuyifumana kwilayibrari yabo; okanye
 - Kungakunceda njani ukuphumelela izibonelelo zelayibrari yesikolo eziziincwadi ezimangalisayo ezingaphezulu?

- **Udidi lwePowusta/loMzobo (amaBakala 1–3) kuqukwa nezikolo zemfundo eneemfuno ezizodwa);** apho abafundi benako ukwenza umzobo okanye ipowusta malunga:
 - Nencwadi emangalisayo abanokuyifumana kwilayibrari yabo.

5. Imali elibhaso kwezi ndidi zimbini iya kwahlulwa ngolu hlobo lulandelayo:

5.1 **Udidi lwamabali amafutshane**

- **Izikolo eziziisekondari/eziphakamileyo** ezithathu ziya kufumana ama-R30 000 isikolo ngasinye ngokuphumelela ngemisebenzi engenisiweyo (*entries*) kwisiNgesi, kwisi-Afrikansi nakwisiXhosa, yaye
- **Izikolo eziziprayimari** ezithathu ziya kufumana ama-R30 000 isikolo ngasinye ngokuphumelela ngemisebenzi engenisiweyo kwisiNgesi, kwisi-Afrikansi nakwisiXhosa.

5.2. **Udidi lwePowusta/loMzobo**

- **Izikolo eziziprayimari ezithathu (amaBakala 1-3)** ziya kufumana ama-R30 000 isikolo ngasinye ngokuphumelela ngemisebenzi engenisiweyo kwisiNgesi, kwisi-Afrikansi nakwisiXhosa; kunye
- **Nesikolo semfundo eneemfuno ezizodwa esinye** siya kufumana ama-R30 000 ngokuphumelela ngomsebenzi ongenisiweyo webali elifutshane/wepowusta/womzobo.

6. Ootitshala kuya kufuneka baqokelele yaye badibanise imizobo/iipowusta namabali amafutshane baze bayithumele imisebenzi yokungenela ukhuphiswano yesikolo ngasinye apha: Alison.Mentor@westerncape.gov.za.

7. Umhla wokuvalwa wokhuphiswano **ngulwesihlanu, we-13 Disemba 2024**, ngo-17:00 yaye abaphumeleleyo baya kwaziswa ngefoni okanye nge-imeyili.

8. Ukupapashwa kwezikolo eziphumeleleyo nokunikezelwa kwamabhaso kuya kwenziwa ngomhla obekwe liSebe iWCED.

9. Malunga nemibuzo engokhuphiswano nangemimiselo nemiqathango, kucelwa niqhagamshelwane nalo Janine.Ontong@westerncape.gov.za .

10. Malunga neenkonzozelayibrari yesikolo kungaqhagamshelwana nala magosa ezithili zeSebe iWCED alandelayo:

Tirzah Arendse - IGosa leeNkonzo zeLayibrari yeSikolo,
Isithili i-Eden ne-Central Karoo: Inombolo yefoni 044 803 8377

Vernon Koen - IGosa leeNkonzo zeLayibrari yeSikolo,
Isithili i-Metro East: Inombolo yefoni 021 900 7049

Sinethemba Mdunyelwa - IGosa leeNkonzo zeLayibrari yeSikolo,

wcedonline.westerncape.gov.za

Employment and salary enquiries: 0861 819 919 | Safe Schools: 0800 45 46 47

Western Cape Education Department

Isithili i-West Coast: Inombolo yefoni 021 860 1200

11. Kucelwa iinqununu ukuba zazise okuqulethwe yile ngcaciso imfutshane kubo bonke abachaphazelekayo ukuze bakuthathele ingqalelo.

ISAYINWE: NGU- BJ LORISTON

USEKELA MLAWULI-JIKELELE WEKHARITYHULAM NOLAWULO LOVAVANYO

UMHLA: 2024-10-22